

---

OFFERYNNAU STATUDOL CYMRU

---

**2015 rHIF 604 (Cy. 49)**

**GWASANAETHAU TÂN AC ACHUB, CYMRU**

**Gorchymyn Awdurdodau Tân ac Achub  
(Dangosyddion Perfformiad) (Cymru) 2015**

<i>Gwnaed</i> - - - -	<i>9 Mawrth 2015</i>
<i>Gosodwyd gerbron Cynulliad</i>	
<i>Cenedlaethol</i> - -	<i>10 Mawrth 2015</i>
<i>Yn dod i rym</i> - -	<i>1 Ebrill 2015</i>

Mae Gweinidogion Cymru, drwy arfer y pwerau a roddwyd iddynt gan adran 8(1)(a) o Fesur Llywodraeth Leol (Cymru) 2009(1), ac ar ôl ymgynghori â'r personau hynny y mae'n ofynnol iddynt ymgynghori â hwy, o dan adran 8(3) o'r Mesur hwnnw, drwy hyn yn gwneud y Gorchymyn a ganlyn.

**Enwi, cychwyn, a chymhwysu**

1.—(1) Enw'r Gorchymyn hwn yw Gorchymyn Awdurdodau Tân ac Achub (Dangosyddion Perfformiad) (Cymru) 2015.

(2) Mae'r Gorchymyn hwn yn gymwys o ran awdurdodau tân ac achub Cymreig(2) a daw i rym ar 1 Ebrill 2015.

**Dangosyddion perfformiad**

2.—(1) Pennir y dangosyddion perfformiad yn yr Atodlen i'r Gorchymyn hwn at ddiben adran 8(1)(a) o Fesur Llywodraeth Leol (Cymru) 2009.

(2) Mae'r dangosyddion perfformiad a bennir yn yr Atodlen yn gymwys i flynyddoedd ariannol sy'n dechrau ar 1 Ebrill 2015 ac ar ôl hynny.

**Dirymu**

3. Mae Gorchymyn Awdurdodau Tân ac Achub (Dangosyddion Perfformiad) (Cymru) 2011(3) wedi ei ddirymu.

---

(1) [2009 mccc 2](#).

(2) O dan adran 1 o Fesur Llywodraeth Leol (Cymru) 2009, awdurdod tân ac achub Cymreig yw awdurdod yng Nghymru a gyfansodwyd drwy gynllun o dan adran 2 o Ddeddf Gwasasnaethau Tân ac Achub [2004 \(p. 21\)](#) neu gynllun y mae adran 4 o'r Ddeddf honno yn gymwys iddo.

(3) [O.S. 2011/558 \(Cy. 80\)](#).

---

**Statws** *This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.*

---

9 Mawrth 2015

*Leighton Andrews*  
Y Gweinidog Gwasanaethau Cyhoeddus, un o  
Weinidogion Cymru

YR ATODLEN

Erthygl 2

**Lleihau Risgiau a Diogelwch Cymunedol**

<i>Cyfeirnod</i>	<i>Dangosydd</i>
FRS/RRC/S/001	Cyfanswm:
	(i) y tanau yr aethpwyd iddynt am bob 10,000 o'r boblogaeth;
	(ii) y galwadau ffug yr aethpwyd iddynt am bob 10,000 o'r boblogaeth;
	(iii) y gwrthdrawiadau traffig ffyrdd yr aethpwyd iddynt am bob 10,000 o'r boblogaeth;
	(iv) y digwyddiadau eraill yr aethpwyd iddynt am bob 10,000 o'r boblogaeth.
FRS/RRC/S/002	Cyfanswm:
	(i) y marwolaethau a'r anafiadau a ddeilliodd o'r holl danau am bob 100,000 o'r boblogaeth;
	(ii) y marwolaethau a'r anafiadau a ddeilliodd o danau damweiniol am bob 100,000 o'r boblogaeth.

**Ymateb Effeithiol**

<i>Cyfeirnod</i>	<i>Dangosydd</i>
FRS/EFR/S/003	(i) Canran y tanau mewn anheddau a gyfyngwyd o fewn yr ystafell lle cychwynnodd y tanau.

**NODYN ESBONIADOL**

*(Nid yw'r nodyn hwn yn rhan o'r Gorchymyn)*

Mae'r Gorchymyn hwn yn dirymu Gorchymyn Awdurdodau Tân ac Achub (Dangosyddion Perfformiad) (Cymru) 2011 ([O.S. 2011/558 \(Cy. 80\)](#)) ac yn pennu, o ran Cymru, set newydd o ddangosyddion perfformiad statudol y bydd perfformiad awdurdodau tân ac achub, wrth iddynt arfer eu swyddogaethau, yn cael eu mesur yn eu herbyn. Bydd y Gorchymyn yn cael effaith o 1 Ebrill 2015.

Mae erthygl 2 o'r Gorchymyn hwn yn pennu bod y dangosyddion perfformiad wedi eu nodi yn yr Atodlen i'r Gorchymyn hwn.

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Gorchymyn hwn. O ganlyniad, ystyriwyd nad oedd yn angenrheidiol cynnal asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Gorchymyn hwn.

**Statws** *This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.*